

جَزَائِرُ حَاكِمِيَّةِ

جمعه ایرتسی

نومرو	ذی القعدة	سنة	نیسان	سنة	صفیفة
۷۶۹	۶	۱۳۱۱	۳۰	۱۳۱۰	۱۱۴۲۱

- (اشبوغزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می فروش)
 (حسابیه التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می فروش اولوق اوزره یوز پاره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولوق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

قسم رسمی

اوخری قضای داخنده وهجانی قریه سی
 اهالیسندن بقال طانه عنکلی نام شخصی بالتهدید
 اوتوز عدد فرانسز التونی الدقلری ادما اولنان
 بلازه متره ونیقوله خرستو نام کیمسه لک خلاف
 قانون اوله رق منع محاکمه لرینه دائر قرار نامه
 تنظیم ایتمش اولان قضاء مزبور بدایت محکمه سی
 اعضاسندن مستنطق مراد وقرارنامه مزبوری
 تصدیق ایدن محکمه مرقومه رئیس نایب قضا

خلوصی اقدیلرک تحت محاکمه لرینه محکمه تمیزجه
 قرار ویرلمش اولدیغندن اولوجهله اجرای ایجابی
 ضمننده عدایه نظارت جلیله سندن مناستر ولایتی
 استیناف محکمه سی مدعی عمومیلکنه تبلیغات
 لازمه ایفا اولنمشدر .

سهررد سنجاغی نایب و بدایت محکمه سی
 رئیس اولی صبری اقدینک محکمه مذکورده

در دست رؤیت بر باغچه دعواسنه عائد مصالحه
سندلرینی کتم واخفا ایلدیکی ادعا اولمسنندن
طولانی اولسایده جریان ایدن تحقیقاتی حاوی
اولوب بتلیس استیناف محکمه سندن بتحریرات
عدلیه نظارت جلیله سنه ارسال اولنان اوراق
مندرجاتنه نظر آ رئیس موسی الیهک تحت محاکمه به
النسی لزومی اکلاشلمسلیله اولوجهله اجرای
ایجابی ضمننده نظارت مشار الیهان مذکور
مدعی عمومیلکه ماذونیت ویرلمشدر .

(فی ۲۹ شوال سنه ۳۱۱ و فی ۲۳ نisan)
(سنه ۳۱۰ تاریخنده بالجمله ولایات استیناف)
(محکمه سی مدعی عمومیلرینه ومدعی عمومی)
(بولنیمان محللرمدعی عمومی معاو نلرینه یازیلان)
(تحریرات عمومیه صورتیدر)

رسمی تلغرافنامه لرده الفاظ تعظیمیه وزائده

استعمال اولنمیوب بغایت التزام اختصار و مهم
و مستعجل اولمیان خصوصاتک پوسته ایله اشعار
اولنسی لازمه دن بولندینی و بو بایده بالدفعات
تعمیماً اجرای تبایغات اولندینی حالده یته بعض
طرفجه تنغرافله یازلمسنه لزوم اولمیان اکثر
خصوصات ایچون غایت مفصل تلغرافنامه لر
یازلدینی اکلاشلمش و بو حال حقیقه تلغراف
مأمورلرینی بلاسبب اشتغال ووظیفه لرینی اشکال
ایتمکله برابر مصارف زائده بی و مخبرات
مستعجله جه تاخراتی موجب اوله جنی بدیی
بولنمش اولدیغندن فیما بعد پوسته ایله یازیله حق
شیلرک تلغرافله یازلماسی و تلغراف تحریری
ایجاب ایلدیکی حالده غایت مختصر و مفید اولسنه
اعتنا ایدلسی و پوسته ایله یازیله حق شیلری
تلغرافله یازانلر و یا خصوصات مستعجله ده
یازدقلری تلغرافنامه لری الفاظ زائده ایله
طولدر یلوب اختیار اختصار ایتمیانلره مذکور
تلغرافنامه لر اجوراتنک تضمین ایتدیرلمسی مجلس
مخصوص وکلا قرار یله دوائر مرکزیه و ولایاته
تعمیماً اشعار قلنمش اولدینی بیان عالیسیله
نظارت ثناوریجه ده ایجابنک ایفاسی بوکره
باتذکره سامبه امر و اشعار بیورلمش اولغله



بعدهما اکا کوره حرکت اولغنی اوزره لازم
کلان مأمورین عدلیه به تبلیغات مقتضیه اجرای
اخطار یته ابتدار واشبو تحریرات عمومیه نك
نسخ مطبوعه كافیله سیده لفا تسیار قلندی .

قسم غیر رسمی

آیدین استیناف محکمه سندن ۱۰ مایس
سنه ۳۰۹ تاریخی و اونبر عددی ایله ویریلان
اعلامک تمیزینی استدعا ایدن ازمیرده قارشو
یقه ده مقیم کراستجی حچاطور وکیلی اوخانس
موسدیجیان افندی ایله میزعلیه ازمیرده یشتالجلر
باشنده ساکن تجاردن شاملی حاجی داود فرغو
وکیلی یاتقو افندی یوم معینده دائره به کلر یله
ایضاحات شفاهیله لری استماع اولندقدن صکره
تدقیقات تمیزیه اجراسنه ابتدار قلندی .

اعلام مذکورک خلاصه مآلی ازمیره تابع
قارشو یقه نام محله کائن بوجه ملکیت متصرف
اولدینی معلوم الحدود بر باب خان و منزل و قهوه
خانه وایکی باب تیمورجی و اونجی دکانلر یله مع
مشمولات بر باب حامی مزبور حاجی داود فرغویه
درت سنه ظرفنده اعاده ایتمک شرطیله استقراض
ایلدیکی بیک عدد عثمانلی لیرامی . قابلنده مرهوناً
بیع ایتدکن صکره مرقوم داود فرغو املاک
مذکور بی قوهن قومپانیه سنه سیفورطیه وضع
ایدرك املاک مذکور نك مؤخرآ محترق
اولسندن طولایی سیفورطه بدلی اولان بیک
ایکیوز انکلیر لیراسنی ذکر اولنان قومپانیه دن
اخذ ایتمسی جهتیله کندوسنک مرقومه اولان دین
مذکور ینک اشبو سیفورطه بدلندن تزیلیله
متباقی اوچبوز یکر می عدد لیرای عثمانینک طرفنه
تسلیم ایدلسی حقنده مرقوم حچاطور طرفندن
اقامه اولنان دعوانک ردینه دائر صادر اولان
اعلام ابتدائینک عندالاستیناف تصدیقنی متضمن
محکمه مزبوره دن . قدما ویرلمش اولان اعلامک
اسباب قانونیه دن طولایی تمیزاً نقض اولغنی
اوزرینه بتکرار اجرا قلنان محاکمه و تدقیقات
استینافیه نتیجه سنده املاک مرهونه نك مرتین
طرفندن راهن حچاطوره ایجاره ایدلمش اولدینی

مرقومك تحت اعترافنده بولسان ايجار سنديله
 مثبت اولسنه و املاك مرهونه نك مرتهنك افاده
 واقعه سي وجهله راهن يدنده ايكن محترق اولمش
 اولديني جالده راهنك ضامن اولمش ايجاب ايده جكي
 و مديون طرفندن بديتة دينك صورت تسويه سي
 بيان و ارانه ايديله مامسي جهتلي به مدعينك ديندن
 تزيلات اجراسيله تخليص رهن ادعاسي اسباب
 قانونيه مستند اولماسينه و مرتهنك ادای دینه
 دكين رهني حبسه حتى بولمسنه بناءً بحاله نك
 يديوز يكرمي طقوزنجي و يديوز او توز برنجي
 ماده لري احكامنه توفيقاً حكم اولك تصديقه قرار
 و يرلد يكدن و مستدعي تميز و كيلنك اشبو اعلام
 عليهنده باشلوجه اعتراضاتي خصم جانبندن قبض
 اولنان سيغورطه بدلي عند الحساب بيك او چيوز
 يكرمي ليراي عثمانی طونه جني جهتله موكلنك ديني
 مبلغ من بوردن تزيل ايدلد كدن صكره فضله قلان
 او چيوز يكرمي ليراي عثمانينك موكلنه عائدتي
 دركار بولنديني حالده محكمه مرقومه جه بوراسنه
 دقت اولميه رق برمنوال محرر حكم اولمسي مغاير
 قانون اولديغندن بحاله اعلامك تقضي استدعاسندن
 ومدعي عليه و كيلنك نتيجة جوابي حكم واقع
 موافق اصول و قانون اولوب اعتراضات مسروده نك
 غير وارد اولديني بيانيله ردی و اعلامك تصديقي

طلبندن عبارت بولمشد

ايجابي مذاكره اولندقه تميزي طلب اولنان
 اعلام مذکور مألندن اكلشديني اوزره عقارات
 مذ كوره نك مديون حچاطور طرفندن داین
 داود فرقويه ترهين ايديلوب مؤخرأ بيك ايكيوز
 انكليز ليراسي مقابلنده سيغورطه به وضع ايدلد كدن
 صكره املاك مذ كوره نك مرتهن طرفندن قصداً
 احراق ايدليه رك قضاء محترق اولديني تين ايمسنه
 وشو حالده سيغورطه قومبانيه سي طرفندن بدل
 تضمينات اوله رق اعطا اولنان مذ كور بيك
 ايكيوز انكليز ليراسنك عثمانی ليراسنه تحويليله
 حاصلدن بيك عدد ليراي عثمانينك دايته عائد
 اولمله مطلوب بندن تقاص و محسوبي مقتضي و دين
 مذ كوردن فضله سي ايسه اساساً بوكي سيغورطه
 بدلارينك املاك بدلي ديمك اولديغندن فضله
 مذ كوره نك دخي اصل صاحب املاك اولان
 مديون مرقوم حچاطوره راجع اوله جني بديهي
 بولمسنه كوره محكمه استينافيه جه صورت مشروحه
 دائره سنده اعطاي حكم و قرار اولمسي لازمك لور
 ايكن بوراسنه دقت اولميه رق مذ كور فضله نك
 داین مرقوم داود فرقويه عائدته حكم ايدلسي
 بولسز و قانونه مغاير اولديغنه و مستدعي تميز

و كيلنك اعتراضاتي دخي بوجهته متدائر اوله رق
 موافق نفس الامر بولنديغنه بناءً اصول محاكمه
 حقوقيه قانون موقتك ايكيوز او توز ايكننجي ماده سي
 حكمنه توفيقاً اعلام مذ كورك نقضيله قانون
 من بورك ايكيوز قرق دردننجي ماده سي موجبجه
 كيفيتك بروجه محرر يكیدن بالرؤيه اعلامه ربطي
 ضمننده محكمه مذ كوره به اعاده سنه و مستدعيك
 بيقدورت اولمق حسييله قيديه و صورت و تبليغ
 خرچلرندن معاف طوتيله رق يالكوز زي رده
 مفرداتي مرقم ايكيوز يكرمي اوچ بچق غروش
 مصارف سائر نك ايلروده حقسز چيقه جق طرفه
 رجوع ايتك اوزره اول امرده كندوسندن
 المنسنة ۱۷ كانون ثاني سنه ۳۰۹ تاريخنده متفقاً
 قرار و يريله رك تفهيم قلندي .

محكمه تجارت ايكننجي جلسندن ۱۱ ايلول
 سنه ۳۰۷ تاريخي و اوچيوز قرق ايكي عددی ايله
 اعطا قلنان اعلامك تميزيني استندا ايدن قبان
 دقيقده نظاميه طحنيه دكرماني قارشو سنده

كچكي مغازه سنده مقیم تجارندن وارطان امينجيان
 و كيلي كيغورق علكسانيان افندي ايله مدعي عليه
 قبان دقيقده كوپري باشنده بلا نومرو مغازه ده
 ساكن كچكي اصنافندن فلييوس و كيلي قرتاليان
 كيغورق افندي يوم معينده دائره به كلد كرندن
 ابضاحات شفاهيه لري استماع قلندي .

اعلام مذ كورك خلاصه مأل مرقوم
 وارطان اغا موسيو قورينك مغازه سنده يوميه
 حصوله كلان توز تعبير اولنور دقيق و قيمه
 خلاصه لرينك بهرقه سني وچ پاره بر ريعدن
 اولمق اوزره برسنه لکني مرقوم فلييوسه بامقاوله
 فروخت ايتمش اولديني حالده تماميله ايفساي تعهد
 ايتديكندن طولاي قيارو اوله رق و يرديكي بيك
 و آچيقدن مطلوبی بولنان يدييوز التمش بر
 و پروتستو مصارفيله يكرمي بدی كونلك ضرر
 و زباني اولان درت بيك ايكيوز قرق بش غروشكه
 جمعاً التي بيك التي غروشك تحصيلي حقنده مرقوم
 فلييوسك اقامه ايلديكي دعوی اوزرينه مبلغ
 مذ كورك مرقوم وارطان اغادن تحصيلي حكمنی
 متضمن غياباً صادر اولان اعلام عليهنده مرقوم
 وارطان اغا و كيلي جانبندن اعتراض على الحكم
 عرضحالی اعطا و مذ كور مقاوله الافرانته

ومدعی علیه فلیوس وکیلک نتیجہ جوایی دخی
اعتراض علی الحکم عرضحالک ردی حقندہ کی
قرار ابتدائی معترضک یوم معینہ حاضر بولنامہ سنہ
مبتنی و قانونہ موافق اولدیغندن اعتراضات
مسروودہ نک ردیلہ اعلامک تصدیق طلبندن
عبارت بولمشدر .

ایجابی مذاکرہ اولدوقده اعلام مذکور
مندرجاتندن منضم اولدیغی اوزره بدایت
محکمہ سنجه دعوی واقعه دن طولانی طرفینک
محاکمہ لری اجرا قلنہرق بشقہ دیه جکری
اولدیغنک بالسؤال اکللاشمسی اوزرینہ ختام
محاکمہ تفہیم قلنمش و قرارک تفہیمی خصوصی
دخی وقت آخرہ تعلق ایدلش اولسنہ نظراً
معترض وارطان اغا وکیلک تفہیم قرار ضمتده
تعیین اولنان کونده حاضر بولنامہ سنندن ناشی
اعتراض عرضحالک رد ایدلمسی اصول محاکمہ
قانوننہ مغایر و مستدعی وکیلک اعتراضی موافق
نفس الامر بولنش اولدیغندن قانون مزبورک
ایکیوز اوتوز ایکنجی ماده سی موجبجه اعلام
مذکورک نقضیلہ ایکوز قرق دردیجی ماده سی
حکمنہ توفیقاً کیفیتک یکیدن بالرؤیہ اعلامہ ربطی
ضمنندہ محکمہ مذکورہ یه اعادہ سنہ وزیرده

تاریخی اولسیلہ رومی تاریخنہ نحو یانده اون ایکی
کون فرق حاصل وقصور اون بش کونک توزی
پروتستو جوابنامہ سنده بیان ایلدیکی وجهلہ
موکلای هر زمان اعطایہ حاضر اولمفلہ مدعینک
ضرر وزیران مطالبہ سنہ حتی اولہ میه جنی کبی
آچیقندن براحقہ دینی اولدیغنی ادعا ایش و مرآتوم
فلیوس دخی آچیقندن ادعا ایلدیکی یدیوز کسور
غروشدن شمذیلک صرف نظر ایلدیکنی بیان
ایلمش اولملر یلہ ختام محاکمہ بالتفہیم اول امرده
طرفین بیننده کی اخذ واعطا معاملہ سنن میزیر
معرفتیله حسابی رؤیت اولنسی ضمنندہ ویریلان
قرارک تفہیمی ایچون تعیین اولنان کونده معترض
مرقوم وارطان اغا وکیلک کلامش اولدیغندن اصول
محاکمہ حقوقیہ قانوننک یوزاللی طقوزنجی و اصول
محاکمہ تجارت نظامنامہ سنک سکسان دردیجی
ماده لری موجبجه معترض مرقومک اعتراض
استدعاسنک ردینہ حکمدن و مستدعی تمیز
وارطان اغا وکیلک اشبو حکم علیهنده کی اعتراضک
باشلوجه سی محکمہ جه میزیر معرفتیله رؤیت حساب
اولنسنہ دائر ویریلان قرارک تفہیمی اشدہ
محکمہ ده حاضر بولنہ مامسنہ استناداً اعتراض
عرضحالک رد ایدلمسی اصول محاکمہ قانوننہ
مغایر اولدیغندن بچلہ اعلامک نقضی استدعاسندن

مفرداتی مرقوم در تیوز اون طقوز بچق غروش
مصارف تمیز یه نک ایلروده حقسنز چقہ جق طرفہ
رجوع ایتمک اوزره اول امرده مستدعی تمیز
وارطان اغاننمسنہ ۲۷ مایس سنہ ۳۰۸ تاریخندہ
منفقاً قرار ویریلہ رک تفہیم قلندی .

اشتب قضای بدایت محکمہ سنندن ۱۹ ایلول
سنہ ۳۰۷ تاریخنی واللی بش عددی ایلہ ویریلان
اعلامک تمیز نی استدعا ایدن اشتب قصبہ سنک
کرام الدین محلہ سنده مقیم اصحاب علاقہ دن حاجی
محمد اغا ایلہ میز علیهمادن قصبہ مذکورہ نک
واروش محلہ سنده ساکن میطہ قبودان یوم معینده
دائرہ یه کلیوب مالیه خزینہ جلیله سی طرفندن
رشید افندیکنک بالوکاله ورود ایش اولسیلہ
ایضاحات شفاهیہ سیلہ باش مدعی عمومی معاونلرندن
سماعتلو یورغا کی افندیکنک مطالعہ سی استماع
قلندقدن صکرہ تدقیقات تمیز یه اجرا سنہ
ابتدار اولندی .

اعلام مذکورک خلاصہ مالی مرقوم میطہ نک
اوچیوز یدی سنہ سنہ محسوباً اعشاری عهده
التزامندہ بولنان اربصانجه قریه سننده مزبور

حاجی محمد اغانک متصرف اولدیغی اوج قطعہ
ترلاسنده مزروع حاصلاتی بلا اذن خرمن
ایتدیکی جهتله مجلس اداره قضادن ارسال اولنان
مأمور جانندن ویریلان کشف تقریری موجبجه
ایکی قات اولہرق بیک در تیوز اون سکر قیه ذخیره
ایلہ مأمور اجرتی اولان درت عدد سیم مجیدیہ نک
اغای مومی الیهدن تحصیلنی طلب ودعوی وشخص
ثالث صفتیلہ خزینہ جلیله نامہ داخل دعوی
اولان مال مدیری محرم افندیکنک دخی اغای
مرقومک بلا رخصت قالدیرمش اولدیغی ذخائر
مذکورہ دن طولانی برقات التیوز یکرمی الی بچق
قیہ ذخیره نک خزینہ نامہ تحصیلنی ادعا ایتملرینہ
قارشو مدعی علیه حاجی محمد اغا ایکوز الی دمت
چودار وایکیوز الی دمت شعیری بارخصت
خرمن ایدرک بولنردن یوزاون بش شنک چودار
ویوز قرق شنک شعیر ظهور ایتدیکنی و بلا
رخصت خرمن ایلدیکی یدیوز دمت حنطہ دن
انجق یوز یکرمی اوج شنک ذخیره حصوله
کلدیکنی مدافعه بیان ایلہ مأمور مومی الیہک
تحقیقاتنہ راضی ایدوکنی آیشان ایلمش اولسی
اوزرینہ جریان ایدن تدقیقات نتیجہ سننده
مدعی علیه حاجی محمد اغانک بلا رخصت قالدیردیغی
محصولک یوز طقسان درت قیه ایکوز الی درهم

مندرجاتك عیناً ویاخلاصهً اعلامه درج اولنامسی
مغایر قانون اولدیغندن بختله اعلام مذکورک
نقضی استدعاسندن ویمیز علیهمادن مالیه خزینة
جليله وکیلی رشید افندیك اجوبه شفاهیة سیله
میطه نك لایحه سی مندرجاتی اعتراضات مسروده نك
واهی و بی اساس اولدینی بیانیه ردی و موافق
قانون اولان اعلامك تصدیق طلبندن و معاون
مومی الیهك مطالعه سی دخی مدعی اصیلک تعیین
صفتیله قانون دائره سنده تشکیل طرفین ایلامش
و استناد اولنان مضبطه نك نه دن عبارت اولدینی
کوسترلامش اولسنه مبنی اعتراضات واقعه نك موافق
قانون اولدینی بیانندن عبارت بولمشد .

ایجابی مذاکره اولدقدده اعلام مذکور
مطالعه سندن منقهم اولدینی اوزره بدایه مدعی
اولان میطه قبوران جانبندن ویریلان دعوی
عرضحالنده رشتو نام کسنه نك شریکی اولدینی
بالیان عهدۀ التزامنده بولنان اعشارک تحصیل
طلب وادعا قلمش اولسنه کوره محکمه جه اول
امرده مدعی مرقومک صفتی تحقیق اولنه رق ملتم
کندوسیمیدر یوغیسه آخر ملتم اولوبده انکله
شرکتته استناد آمی اقامه دعوی ایتشد بوجه نك
نبوتیله مرقومک دعوی مذ کوره دن طولانی
حق خصوصتی اولوب اولدینی اکلشله قدنصرکه

چودار و یوز التمش سکر قیه اوچیوز درهم شعیر
و ایکیوز التمش درت بچق قیه حنطه و حکومتک
رخصتیله حرمن ایلدیکی ذخائرک دخی الی یدی
بچق قیه شعیر و یوز یدی قیه اوچیوز درهم چودار
عشرندن عبارت اولدینی مجلس اداره قضادن
کوندربلان مأمور مخصوصک قریه مذ کوره
مختار و هیئت اختیار به سیله مشترکاً بالتختیم
ویرمش اولدینی مبرز تقریر مألله ثابت اولسنه
بناءً مدعی علیه مرقومک بلا رخصت قالدیردینی
ذخائرک عشری اولان التیوز یکر می الی بچق قیه
ذخائر متتوعه نك اعشار نظامنامه جدیدینک اون
التنجی ماده سی حکمنه توفیقاً ایکی قات و بارخصت
حرمن ایلدیکی ذخائرک عشری اولان یوز التمش
بش قیه یوز درهمک دخی برقات اوله رق کندیسندن
تحصیلیله برقاتنک ملتم مرقومه و بر مثلنک دخی
جانب خزینیه تسلیمنه حکمدن و مستدعی تمیز
حاجی محمد اغانک اشبو حکم علیهنده لایحه سنده محرر
اعتراضاتنک باشلوجه سی قریه لرینک اصل ملتمی
رشتو نام کسنه اولوب مدعی میطه دعوی
عرضحالنده مرقوم رشتونک شریکی اولدینی
بیان ایتمش اولدینی حالده مرقومک رسماً شریک
اولوب اولدینی تحقیق قلمقسزین خصوصتمک
قبول ایلمسی و مدار حکم اتخاذ اولنان تقریر

مدلی تجارت محکمه سندن ۳ اغستوس
سنه ۳۰۷ تاریخی ویتمش عددی ایله صادر اولان
اعلامک تمیزی استدعا ایدن مدلی محلاتندن
اشاغی خلقه قوله لرنده مقیم دیون عمومی
قطارجیسی میخائیلو قسططی قوقوبجیو ایله
مدعی علیه مدلیده مقیم متوفی تئودور حاجی یانینو
ورنه سندن اوغلی بنا یوپت یوم معینده دائره
کلدکری کی مدعی علیه جانبندن جواب لایحه سی
دخی ویرلامش اولدیغندن اصول محاکمه حقوقیه
قانوننک ایکیوز یکر می طقوزنجی ماده سی موجبجه
تدقیقات تمیزیه اجراسنه ابتدار اولندی .

اعلام مذکورک خلاصه مآلی مرقوم بنا یوپتک
بابی متوفی تئودورک من بور میخائیل قوبجیو
ذمتده امره محرر برقطعه سند موجبجه الاجبی
اولان یوز الی عدد سیم مجیدبه نك تحصیلی عقنده
مدلی تجارت محکمه سندن استحصالی ایلدیکی اعلام
غیابی علیهنده مرقوم میخائیلو طرفندن اعتراض
علی الحکم عرضحالی اعطاسیله وارث واحدک
عموم ورثیه عائد اولان بر مبنی دعواده خصم
وقبضه دخی مأذون اوله میه جفته محکمه جه دقت
ایدلامسی و رأس المالی متجاوز گذشته حکم ایدلمسی
مغایر قانون اولدینی و دعواده مرور زمان

رؤیت دعویه ابتدار اولنسی لازم کلور ایکن
بوراسنه دقت اولمدینی کی مدعی علیه حاجی محمد
اغادن ادعا اولنان اعشارک مقدارینی مبین اولمق
اوزره ابراز اولنوب محکمه جه مدار حکم اتخاذ
اولنان تقریر مندرجاتنک نه دن عبارت ایدوکی
اکلاشلق اوزره عیناً ویاخلاصهً اعلام میز به
درج و ترقیم اولنامسی بولسنز و قانونه مغایر
و مستدعی تمیز محمد اغانک اعتراضیه معاون
مومی الیهك مطالعه سی موافق نفس الامر
کوردیکنه بناءً اصول محاکمه حقوقیه قانوننک
ایکیوز اوتوز ایکنجی ماده سی موجبجه اعلام
مذکورک نقضیه قانون مذکورک ایکیوز قرق
دردنجی ماده سی حکمنه توفیقاً کیفیتک صورت
مشروحه دائره سنده یکیدن بالرؤیه اعلامه ربطی
ضمننده محکمه مذ کوره به اعاده سنه و زیرده
مفرداتی مرقم بشیوز اون سکر عرضوش مصارف
تمیزیه نك ایلروده حقسز چیه جق طرفه رجوع
ایتمک اوزره اول امرده مستدعی تمیز محمد اغادن
السنه ۳۱ اغستوس سنه ۳۰۹ تاریخده متفقاً
قرار ویریله رک تفهیم قلندی .

بولندي در میان اولمسنه قارشو اعلام معترض بهک تبلیغندن اوتوز بش کون صکره اعتراض علی الحکم استدعاسنه قیام اولندينی معترض علیه وکیلی جانبدن بسط و بیان اولمسی اوزرینه معترض مرقوم وکیلی دخی اعلام معترض فیهک موکلیه برلکده ساکن اولمیان اوغله تبلیغ قلذهرق بوايه قانوناً اعتباره شایان اوله میه جنی کبی حکم تجارتدن عن الغیاب ویریلان بو مثللو اعلاماتک حین اجراسنه دکن علیه اعتراض اولنه بیله جکی اصول محاکمه تجارت نظامنامه سی حکمی اقباسندن بولندينی بیانیه طرفینک حال سابقه ارجاعیله امر مواجهلرینک اجراسی طاب وایمان قلنمش ایسه ده نظامنامه من بورك اولباده کی احکامی اصول محاکمه حقوقیه قانون موقته مبان اولمق حسیدیه مفسوخ اولمسنه و ذکر اولنان اعتراض علی الحکم عرضحالک ایسه اعلام غیابی مذکورک معترض مرقومک اوغلی واسطه سیله اقامتگاهنه تبلیغی تاریخندن اعتباراً اوتوز برکون مرورندن صکره اعطا اولندينی بالتدقیق اکلاشامسنه منی عرضحال من بورك ردینه حکمدن واشبو حکم علیه ده مستدعی تمیز میخائیلو قوقوبجونک لایحه سنده محرر اعتراضاتک خلاصه سی تبلیغ اعلاماتدن مقصد محکوم علیه ی

حکمدن خبردار ایتک قضیه سی اولوب اشبو مقصد قانونک حصولی ایسه حکم اعلامتک بالذات محکوم علیه ویاخود اقامتگاهنده ساکن متعلقانندن برینه تبلیغنه متوقف اوله جنی اصول محاکمه حقوقیه قانونیه اصول محاکمه تجارت نظامنامه سنک مواد مخصوصه لری مؤداسیله مثبت بولنمش ایکن محاکمه مذکوره چه مواد مذکوره احکامنه یا کلس معنی ویریله رک مرور مدته بنه سالف الذکر اعتراض استدعاسنک ردینه قرار ویرلمسی مغایر قانون اولدیفندن بجزله اعلامتک قضی استدعاسندن عبارتدر .

ایجابی مذاکره اولندقه اعلام مذکور مألندن منقهم اولدینی اوزره دعوی واقعیه حقدنه صادر اولان اعلام غیابی علیه ده من بور میخائیلو جانبدن اعطا قلنان اعتراض علی الحکم عرضحالک مدت قانونیه نک مرورندن صکره ویرلمش اولدینی بیانیه رد ایدلمش ایسه ده عرضحال من بورك مدت مینه سی طرفنده ویریلوب ویرلمدیکی علیه نه اعتراض اولنان اعلام غیابینک تبلیغی مشعر اولوب معترض علیه یدنده بولنمش لازم کلان علم و خبرده مرقم تبلیغ تاریخنک حساب و تطبیقه ظاهر ایده جکنه کوره

علم و خبر مذکورک بالطلب تدقیقه اکا کوره بر حکم ویرلمسی لازم کلور ایکن محاکمه مرقومه چه بولزوم قانونی یه رعایت اولنمیه رق معترض علیهک اولباده کی افاده شفاهی سینه بنای حکم اولمسی بولسز اولدینی کبی اعلام غیابی مذکورک کندیسيله برلکده اقامت ایتمیان اوغله تبلیغ ایدلدیکی جهتله تبلیغ واقعک معتبر اوله میه جفته دائر معترض مرقوم طرفندن در میان اولسان ادعایک دخی بالتدقیق رد ویاخود قبولی حقدنه علل و اسباب موجهه قانونیه استدعاً بر قرار اتخاذا اولنمق مقتضی اولدینی حالده ادعای مذکورک دخی مسکوت عنه براغلمسی تدقیقاتجه نواقصندن معدود اوله رق اصول و قانونه مغایر کوندیکندن اصول محاکمه حقوقیه قانونک ایکوز اوتوز ایکنجی ماده سی موجهه اعلام مذکورک تقضیه قانون من بورك ایکوز فرق دردیجی ماده سی حکمنه توفیقاً کیفیتک صور مشروحه دائره سنده یکیدن بالرؤیه اعلامه ربطی ضمننده محاکمه مرقومه یه اعاده سینه وزیرده مفرداتی مرقم در تیوز اون طقوز بچق غروش مصارف محاکمه نک ایلروده حقسز چیه جق طرفه رجوع ایتک اوزره اول امرده مستدعی تمیزدن المسنه ۲۰ تشرین ثانی سنه ۳۰۹ تاریخنده

متفقاً قرار ویرلندی .

اطنه تجارت محکمه سندن ۱۲ تشرین ثانی سنه ۳۰۷ تاریخ و سکسان اوج عددی ایله صادر اولان اعلامتک تمیزینی اطنه نک حاجی فقیه محله سنده مقیم سلیم ضابط افندی استدعایتمش اولدینی حالده یوم معینده دائره یه کلیوب مدعی علیه طرسوسده مقیم خواجه امین افندی وکیلی یوسف خاچ افندی ورود ایتمش اولدیفندن یالکز وکیل مومی الیهک ایضاحات شفاهی سی استماع قلندقدن صکره تدقیقات تمیزیه اجراسنه ابتدار قلندی .

اعلام مذکورک خلاصه مالی مومی الیه خواجه امین افندی ایله دو قنور بطرس افندی بیننده متحدث دعوییه دائر محلی تجارت محکمه سندن ویریلان اعلامی مومی الیه بطرس افندینک در سعادت تجارت محکمه سنده استیناف ایتک اوزره مومی الیه سلیم ضابط افندی بی کفیل ارانه ایدرک استیناف دعوا سنده ایسه حقسز چیقمش اولدیفندن بجزله دوچار اولدینی ضرر روزیان و مصارف سفریه

اوله رق جمعاً اللى كسور ليرانك كفيل مومى اليهدن
 تحصيلنى طلب ودعوى ايلمسنه قارشو مدعى عليه
 دخى كفالتى بعد الاقرار مستأنف مومى اليهك
 تميز دعوى ايلديكندن تميزاً حاصل اوله جق
 نتیجه به انتظار اولنق لازم كله جكي كبي مدعى
 مومى اليهك مستأنف عليه اولدينى حالد محكمه
 استينا فيه ده حاضر بولنامش و در سعادت كيتامش
 اولمغه مصارف سفر به طلبنه صلاحيتى اوله ميه جفنى
 مدافعه درمیان ايتمش ايسه ده قرار استينا فينك
 تميزاً تدقيق جائز اولان قرار قرينه لردن اولدينى
 و تميز دعوى ايجون آروجه كفيل ارئه قلنه جفنى
 جهته كفيل مومى اليهك مؤخذه دن برى
 اوله ميه جفنه مبنى اولبابده كى مدافعه سنك رديله
 مومى اليه امين افندينك دوچار اولدينى ضرر روزيان
 ايله مصارف سفر به وسائره مومى اولدينى تحقق ايدن
 اون بش ليرا اون غروشك حسب الكفاله مومى اليه
 سليم ضابط افندين نحصينه حكمدن واشبو حكم
 عليهنده سليم ضابط افندينك لايحه سنده باشلوجه
 اعتراضى مستأنف عليه امين افندينك دعواى
 استينا فيه ايجون در سعادت كتميو ب و كپيل
 واسطه سيله رؤيت دعوى ايتديرديكنى عندالحا كه
 كندوسى درمیان ايتمش ايكن بو ادعاسنه حواله
 سمع و اعتبار اولنامسى مغاير قانون اولديقندن

بختله اعلامك نقضى استدعاسندن و مدعى عليه
 وكبلى يوسف خاج افندينك نتیجه جوابى دخى
 حكم مذكورك اصول وقانونه موافق اولدينى بيانيله
 تصديقى طلبندن عبارت بولمشد .
 ايجابى مذاكره اولدقده اعلام مذكور
 مألندن مفهم اولدينى اوزره سليم ضابط افندينك
 دوكتور بطرس افندى به استيناف دعوا سيجون
 وقوعبولان كفالتندن طولايى تين ايدن اون بش
 ليرا اون غروش مصارف سفر به و سائره سنك
 كندوسندن تحصيلنه حكم اوننش ايسه ده استيناف
 دعوا سنده مستأنف عليه بولنان امين افندينك
 لاجل المحاكمه موقع استيناف اولان در سعادت
 كتمديكى جهته مصارف سفر به طلبنه صلاحيتى
 اوليه جفنى عندالحا كه مدعى عليه سليم ضابط
 افندى طرفندن بيان و ادعا اولنمش اولمسنه كوره
 بوراسنك بالتحقيق تين ايدنه جك حاله كوره حكم
 و برنك لازم كلور ايكن درجه اولى محكمه سنجه
 اولبابده بر كونه تدقيقات اجرا اولنمقسنين مصارف
 سفر به نك دخى داخل حكم ايدلسى اصول وقانونه
 مغاير و مستدعى تميزك اعتراضى دخى بوجهته
 متدائر اوله رق موافق نفس الامر بولنمش
 اولديقندن اصول محاكمه حقوقيه قانوننك ايكوز
 اوتوز ايكنجى مادهسى موجبجه اعلام مذكورك

نقضيله قانون مذكورك ايكوز فرق درديجى
 مادهسى حكمنه توفيقاً كيفيتك يكيدين بالرؤيه اعلامه
 ربطى ضمننده محكمه مذكور به اعاده سنه وزيرده
 مفرداتى مرقم در تيوز طقوز بچق غروش مصارف
 محاكمه نك ايلروده حقسنز چيقه جق طرفه رجوع
 ايتك اوزره اولامرده مستدعى تميز سليم ضابط
 افندين اخذينه ۱۰ مايس سنه ۳۰۹ تاريخنده
 متفقاً قرار ويريله رك تفهيم قلندى .



اعلان

اوچيوز ايكي سنهسى تشرين اولنك سكرنجى
 چهارشنبه كوفى ساعت ايكي راده لرنده صمانيه
 جوارنده خوييار محله سننده ساكن بالقجى
 اصنافندن لئونى قبل قصديله جرح ايلديكى ادعاسيله
 مظنون عليه اولوب غير موقوف بولنان تزكاه جيلرده
 مقيم اورته بويلى قرال بيقلى الاكوزلى رزى

قولجا لردن عزت افندى بن عمر ك فمل مذ كوره
 جرات ايلديكى اكلاشلمش و حركتى قانون
 جزانك يوز سكساننجى مادهسى حكمنى مستلزم
 افعال جنايه دن بولنمش ايدوكندن اصول محاكمات
 جزائيه قانوننك باب رابعنك فصل نائينسنده محرر
 مواد احكامنه توفيقاً غياباً در سعادت جنائت
 محكمه عليه سننده محاكمهسى اجرا اولنق اوزره
 جنائتله اتهامنه قرار ويرلديكندن متهم مرقوم
 هر زده كور يلور ايسه طوتيلوب محكمه مذكور
 توقيفخانه سنه تسليمى لازم كله جكي بالجملة ضابطه
 عدليه مأمورلرينك معلومى اولق اوزره اشبو
 اخذوكرفت مذكورسى در سعادت هيئت اتهاميه -
 سندن بالتنظيم اعطا قلدى .

في ۱۲ نيسان سنه ۳۱۰



كربا ديتنك مخدومى استاطى ضرب ايدرك
 وفاتنه سبب اولدينى ادعاسيله مظنون عليه اولوب
 غير موقوف بولنان اورته بويلى قره صقالى قره

کوزلی بورشق یوزلی عادتاً وجودلی التمش طقوز
باشنده مناستر ولایتک فلوریه قضا سنک قوسقه کوبی
اهالیستدن اولوب مقری کوینده سافز اغاجنده
ساکن بولمان پنا یوط ولدنیقوله نک حرکتی قانون
جزانک یوز یتش یدنجی ماده سنک ذیلی حتمنه
توفیقاً در سعادت جنایت محکمه علیه سنده محاکمه سی
اجرا اولمق اوزره جنایتله اتهامه قرار
یرلدیکندن متهم مرقومک هرزه ده کور یلور
ایسه طوتیلوب محکمه مذ کوره توقیفخا نه سنه
تسلیمی لازم کله جکی بالجله ضابطه عدلیه
مأمور لر بنک معلومی اولمق اوزره اشبو اخذ
و کرفت مذ کوره سی بالتظیم اعطا قلندی .

فی ۱۸ نیسان سنه ۳۱۰

مرهون و فروختی محکوم اولان در سعادتده
باب جمعرده ایچیلر سواقاغنده کان اون التی
نومرولی بر باب ایچی دکانک سکر سهم اعتباریله
ایکی یچی سهم کدکی درت بیک ایکیوز غروش
التون بدل ایله طالی عهده سنده تقرر ایتش
اولدیغندن تاریخ اعلاندن اعتباراً اوتوز برکون
ظرفنده بدل مذ کور اوزرینه یوزده بش ضمیمه
طالب اولنلرک بک اوغلی اجرا مأموریتی جانبیه
مراجعت ایتلری اعلان اولتور .

فی ۲ نیسان سنه ۳۱۰

اغویبان خاننده مقیم تحصیلدار آرام
الاجه جیانک وکیلی سرکر آجیانک . قدما ابوده
عدکسانک طوغله خرماننده عملهک ایتمکده ایکن
الیوم اقامتگاه و تجارتکاهی مجهول تبعه دولت
علیه دن واهان کوبه لیان علیه نه در سعادت محکمه
تجارتی ایکنجی مجلسنده بر قطعه سنده موجبجه
اقامه ایلدیکی اون بش عدد ایرای عثمانی مطلوبات

متوفی ایچی عمر افندیکن ورثه سنک $\frac{۲۰۱}{۱۰۲}$
نومرولی اعلام موجبجه عایشه صدیقه خانمه
محکوم به دینی اولان معلوم المقدار مبالغت تأمین
استیفاسی ضمننده داینه موصی الیهانک عهده سنده

ادعاسی اوچوز اون سنه سی نیسانک اوتوزنجی
جمعه ایرتسی کونی ساعت التیده محکمه مذ کورده
فصل ورؤیت اولنه جفندن یوم و وقت مذ کورده
مدعی علیه مرقومک محکمه مذ کورده بالذات
حاضر بولمسی و یا خود مصدق سنندله بر وکیل
کوندرمسی لازم کله جکی و نکسی حائده معامله
قانونیه نک اجرا اولنه جنی معلوم اولمق اوزره
تنظیم اولنسان دعوتیه ورقه سی محکمه نک
دیوانخانه سنه تملیق اولدینی کبی اوراق حوادث
واسطه سیله دخی اعلان کیفیته ابتدار قلندی .

فی ۱۱ شوال سنه ۳۱۱

فی ۵ نیسان سنه ۳۱۰

جنس اشیا —

چفت

۱ نک طاشلی کوبه

۱ الماس کوبه

عدد

عدد

۱ لقوم ایکنه

۸ سیم ظرف

۱ کوش سیغاره اغزانی

۱ کوش چبوق

۱ کوش ساعت

۱ کوش آینه

۱ کوش قبضه لی قلنج

هاجر خانمک اسماعیل احسان افندی ذمتمنده
باعلام محکوم به الاجنی اولان معلوم المقدار
مبالغت تأمین استیفاسی چون مرهون و فروختی
محکوم اولان بالاده محرر اموالک اشبو اوچبوز
اون سنه سی شهر نیسانک یکرمی بشنجی بازار
ایرتسی و یکرمی التنجی صالی و یکرمی یدنجی
چهارشنبه کونلری قیومچیلر چارشو سنده بالمزایده
فروخت اولنه جفندن طالب اولنلرک ایام مذ کورده
قیومچیلر کتخداسی دکاننه مراجعت ایلملری
در سعادت اعلامات نظامیه اجرا دائره سنندن
اعلان اولتور .

فی ۲۰ نیسان ۳۱۰

ذمتنده محکمه تجارت اعلامیه الاجنبي اولان ائجه نك
 تسويه سيچون مديون موسى اليهك پدري متوفى
 يوردان شلادوش نامنه مقيد بولنان فرى قريه سنده
 چفته جويز لر جاده سنده بش نومرولى باغچه ايله
 شيشليده كاغد خانه جاده سنده يوز اون يدى
 نومرولى بر باب دكانده بش حصه اعتبار يله
 متصرف اولمى لازم كلان بر حصه ارثيه لر ينك
 فروختى مقرر اولديغندن و بر موجب قرار خمس
 حصه مذكوره تاريخ اعلان دن اعتباراً اون بش
 كون صكره موقع مزايده يه قونيله جفندن اشتراسنه
 طالب اولنلرك ودها زياده معلومات المق استياتلرك
 محكمه تجارت اجرا دائره سنه مراجعت ايلعلمرى
 دائره مذكوره دن اعلان اولنور .

ابراهيم اوسته نك ملازم صفر افندى ذمتنده
 با اعلام الاجنبي اولان مبالغك تا مبن
 استيفاسى ذمتنده محجوز بولنان اسكدار ده
 مي راخور محله سنك اياز مه اسكله سى سوقاغنده
 جامع شريف قارشوسنده سكر او طه و بر مقدار
 باغچه بنى حاوى موسى اليه صفر افندي نك تحت
 تصرفنده اولان بش نومرولى خانه نك تاريخ
 اعلان دن اعتباراً اون بش كون صكره بالمزايده
 فروخته مبادرت اولنه جنبي اسكدار بدايت محكمه سى
 اجرا دائره سندين اعلان اولنور .

في ۲۲ نيسان سنه ۳۱۰

سعادتلو عالي بك افندى حضر تلرينك فرانسه
 دولتى حمايه سنده بولنان موسيو اوژن يوردان